



ル 5
1353
15



門 呂
編 1953
卷 15



福建全圖 統計十府二直隸州

福州府	閩侯	古田	長樂	屏南	福清	連江	永福	興化府	莆田	仙遊
泉州府	晉江	南安	惠安	漳州府	龍溪	漳浦	海澄	詔安	南	
延平府	南平	順昌	將樂	建甯府	建寧	建寧	建寧	建寧	建寧	建寧
政和	邵武府	邵武	光澤	汀州府	長汀	汀州	汀州	汀州	汀州	汀州
武平	福甯府	霞浦	福鼎	臺灣府	彰化	彰化	彰化	彰化	彰化	彰化
永定	龍巖州	漳平	壽甯	嘉義	彰化	彰化	彰化	彰化	彰化	彰化
大田	龍巖州	龍巖	龍巖	龍巖	龍巖	龍巖	龍巖	龍巖	龍巖	龍巖

乾隆二十九年

福建境眾水歸合表

建溪	邵武溪	樵溪順陽溪等武平溪等水
瀨溪	崇安溪	
長溪	沙溪	
將樂溪	尤溪	
入三溪	建陽溪	
樂洋江	南浦溪	
連江		
晉江		
漳江		
官井洋		
淡水溪		
海		
建溪		
邵武溪	俗名大溪	
白石溪	本名汀水一名鄞江至廣東潮州府入海	

乾隆府廳州縣圖志卷三十九

賜進士及第翰林院編修充

國史館纂修官 臣 洪亮吉撰

福建布政使司

福州府 衝繁疲難

原額軍民人丁共一十八萬四千三十六
又滋生人丁共二萬四千三十九

禹貢揚州之域周為七閩地後屬越秦為閩中郡地漢五年為閩越國元封元年國除後置冶縣屬會稽郡後漢置會稽南部都尉三國吳屬建安郡晉太康三年始分置晉安郡屬揚州後屬江州劉宋泰始四年改晉平國七年復故陳永定初置閩州天嘉五年州廢以郡屬東揚州光大二年復置豐州隋平陳郡廢改曰泉州大業初仍改曰閩州尋改建安郡唐武德六年復為泉州八年置都督府景雲二年復曰閩州開元十三年改曰

福州天寶初改長樂郡乾元初復曰福州五代初為王氏所據
 升大都督府唐天成年王延翰建閩國長興四年王延鈞改
 為長樂府晉開運二年屬南唐明年屬吳越仍曰福州周改彰
 武軍宋仍曰福州長樂郡威武軍節度元至元十五年升為福
 州路明洪武初改福州府九年為福建布政司治
 本朝因之為總督浙江福建部院巡撫部院及布政使司按察
 使司治所鎮守將軍領滿洲駐防兵兼督關務及糧儲道鹽法
 道並駐此海防同知駐南臺

府境 東西距三百九十里
 南北距六百三十里
 東至大海一百九十里
 西至延平府尤溪縣界二百里
 南至興化府莆田縣界二百三十里
 北至建甯府政和縣界四百里
 東南至大海二百八十里
 西南至泉州府德化縣治四百里

東北至福甯府治五百四十五里
 西北至延平府治四百里
 自府治至京師六千一百三十三里

土貢 鹽 金 鐵 綿絹 紵布 蕉布 文扇 篔簹 白
 籐箱 海蛤 蝸蛇膽 乾薑 茶 橄欖 荔枝 乾
 壽山石 龍眼 筍筍 蔗 乾白沙糖 鹿角菜 紫菜
 金銀沙 香椽 末麗 素馨

管縣十

閩 侯官 長樂 福清 連江 羅源 古田 屏南

閩清 永福

閩縣 衝繁疲難郭下 有閩安一鎮縣丞駐營南巡檢三駐
 閩安及五虎門永慶

漢初東治地為閩越王都後置治縣後漢改曰東侯官為會稽
 南部都尉治晉曰侯官隋開皇中改縣曰原豐十二年又改曰
 閩

海自福甯府界接入府境環羅源連江及縣境又南環長樂福

清接輿化府界

建溪一名建江一名閩江自延平府南平縣流逕古田至縣南又逕閩清侯官仍入縣界至五虎門入大海其名隨地而改西湖在府西南三里又有東湖在縣東北三里皆晉太守嚴高所鑿二湖與海潮通引流溉田為利甚溥唐貞元十一年觀察使王翊又開南湖于城西南五里廣二百四十步今東南兩湖皆湮唯西湖僅存

治縣故城在縣東北治山之麓晉原豐廢縣在縣境

侯官縣

衝繁疲難郭下

有五縣一寨縣丞駐太湖巡檢二駐五縣及竹崎

漢置治縣後漢改曰東侯官唐武德六年復分閩縣置侯官縣八年省長安三年復置貞元五年移入福州郭元和三年省五年復置

縣故城在縣南二里今故址名侯官市宋懷安廢縣在縣西北

長樂縣

疲難西南至府一百里

唐武德六年分閩縣置新寧縣其年改曰長樂元和三年省入福唐五年復置

海壇山在縣東一百二十里大海中周回三百里唐時為牧馬地宋初置牧監尋罷皇祐中許民耕墾淳熙中有三千餘戶元時民戶常滿四萬多以漁為業明洪武二十年詔徙民于縣而空其地隆慶初始添設海壇遊兵本朝置總兵官鎮守

新寧故城在縣南十五里

鹽場在縣治西宋熙寧中歲納鹽二百四十萬斤寶祐中革又王存云羅源有鹽場一今鹽法道所轄有福清莆田等十六場

福清縣

衝繁疲難北少西至府一百三十五里

有海口化南牛頭門沙塘四鎮縣丞駐平壇巡檢駐江口

唐聖歷二年析長樂置萬安縣天寶元年改曰福唐五代梁開平二年王氏改曰福清石晉天福中又改曰南臺後復舊宋仍曰福清元元貞元年升為州明洪武六年復為縣

縣故城在今縣治東南

連江縣

疲難西南至府九十五里

有化菱蛤沙二鎮巡檢駐東岱堡

唐武德六年分侯官置溫麻縣尋改曰連江

連江在縣南三百步

溫麻故城在縣北

羅源縣

衝西南至府一百五十里

有應德一鎮

五代後唐長興四年王氏分連江置永貞縣宋天禧五年改曰

永昌乾興元年又改曰羅源以縣南羅川得名

永貞故縣在縣南雙溪之間

古田縣

衝疲東南至府二百七十里

有水口谷口彬洋三鎮

漢治縣地唐開元二十三年置古田縣縣東有古田溪故名

金坑在縣東北六十里銀場在縣西北二百里又龍嶺坑游家

坑赤巖坑皆有銀鑛

屏南縣

疲難東南至府三百二十里

本朝雍正十二年割古田縣北境雙溪地置

閩清縣

簡東南至府一百二十里

有青窰一鎮

五代梁乾化元年王氏分侯官地置梅溪縣尋改曰閩清以縣

西閩清水為名即梅溪也

永福縣 疲東北至府一百九十里 有大漳一鎮巡檢駐際

唐永泰二年分侯官尤溪二縣地置永泰縣宋崇寧元年改曰永福

永泰廢縣在縣西

銀場在縣西王存云永泰縣有黃洋保德二銀場又有銀鑛在縣西地名太原宋元豐中嘗鑿取之

興化府 衝繁

原額軍民人丁共一十一萬五千二百八十九又滋生人丁一萬八千九百四十二

秦以前同福州府漢為會稽郡治縣地後漢為會稽南部都尉地三國吳為東安縣地晉為晉安郡晉安縣地陳為南安郡地隋為建安郡南安縣地唐武德六年始分置莆田縣屬泉州宋太平興國四年始分置太平軍尋改曰興化軍元至元十四年

升興化路明洪武初改曰興化府

本朝因之分防通判駐滄海

府境

八到

東西距二百十里
南北距八十五里
東至大海九十里
西至永春州界一百二十里
南至大海四十里
北至福州府福清縣界四十五里
東南至大海一百里
西南至泉州府惠安縣界六十里
東北至福清縣治一百二十里
西北至永春州德化縣治二百里
自府治至京師六千四百三里

土貢

絲布 蠟 荔枝 藥 鱧魚

管縣二

莆田 仙遊

莆田縣

衝繁郭下

有甯海崎頭二鎮縣丞駐平海巡檢四駐大洋凌厝涵江迎仙寨

左逢時德州縣志卷三十九

漢治縣地晉以後爲晉安縣地隋開皇初陳廢帝分置莆田縣
十年省入南安唐武德六年復置屬豐州景雲二年割屬泉州
宋太平興國四年置興化軍治興化縣八年移興化軍來治
吳山在縣東南六十里海中相近有銅山產自然銅
海在縣東南八十里

瀨溪在縣西南至三斗門入海縣境及仙遊諸水皆注瀨溪

縣故城在縣東南元興化廢縣在縣西北八十里湘溪邨

仙遊縣

難東至府七十里

有游洋一鎮巡檢二駐楓亭及
興泰里

唐聖歷二年析莆田置清源縣屬武榮州尋屬泉州天寶元年
改今名宋太平興國四年改屬興化軍

仙游山在縣西北七十里今名九坐山

清源故城在縣西北大飛山前五里天寶元年始移今治宋興

化故城在縣東北八十里游洋鎮

泉州府

衝繁疲難

原額軍民人丁共十二萬七千七百七十九
滋生人丁一萬一千九百十四

漢以前同興化府三國吳始分治縣置東安縣晉改曰晉安屬
晉安郡陳始分置南安郡隋平陳郡廢屬建安郡唐武德五年
置豐州貞觀元年州廢屬泉州聖歷二年改置武榮州三年廢
久視元年復置景雲二年改曰泉州天寶初改清源郡乾元初
復曰泉州五代初屬王閩後屬南唐置清源軍節度宋改清源
郡平海節度元至元十五年升泉州路總管府明洪武初改曰
泉州府

本朝因之分巡海興泉永道及分防同知並駐廈門通判二一
駐蚶江一駐馬家巷

府境

東西距二百八十里

南北距二百三十三里

東至大海一百三十里

西至漳州府長泰縣界一百五十里

南至海一百三十里

北至興化府仙游縣界一百三十里

東南至海八十里

西南至漳州府龍溪縣界一百四十里

東北至仙游縣界九十里

西北至永春州界一百五十里

自府治至京師七千二百五十五里

土貢

土絹 布 鐵 鹽 茶 荔枝 龍眼 柑 藥

管縣五

晉江 南安 惠安 同安 安溪

晉江縣

衝繁疲難郭下

有圍頭一鎮縣丞駐石師街巡檢二尉洛陽及鷓鴣

唐開元六年析南安縣置在晉江之北因名

泉山在縣北五里泉州因此為名漢書東越王居保泉山即此

又名北山周環四十里

海自興化府西南接界環經惠安晉江南安同安四縣又西接

漳州府境

尋美鹽場在縣東南七十里王存云晉江有鹽亭三百六十一

南安縣

繁疲難東少南至府四十五里

有石井澳頭二鎮縣丞駐羅溪巡檢駐康店

三國吳分治縣置東安縣晉武帝改曰晉安陳置南安郡隋廢

郡改縣曰南安唐武德五年于縣置豐州貞觀元年州廢聖歷

二年又于縣置武榮州三年又廢久視元年于縣東北界置武

榮州尋改泉州以南安屬焉

惠安縣

衝疲難西南至府五十里

有蚶川峰尾二鎮巡檢駐良興

宋太平興國六年分晉江置

黃崎山在縣東四十里三面皆海鹵氣吹盪不生艸木宋時產鐵嘗置鑪于此

樂洋江一名洛陽江在縣西南三十里與晉江分界縣境南紀之水俱滙于此入海

縣故城在縣東北六都龍屈嶺下後徙羅山之陽即今治

惠安鹽場在縣東南三十八里王存云惠安有鹽亭一百二十

九

同安縣 衝繁疲難東北至府一百三十里

有巡檢二駐礮口及石滸

五代王閩分南安縣地置

廈門在縣西南五十里海中嘉禾嶼有城

本朝設提督總兵官鎮守又有金門在縣東南五十里亦設總兵官

安溪縣

疲難東至府一百五里

有源口一鎮

五代南唐分南安置清溪縣宋宣和三年改曰安溪以縣境安溪得名

青陽鐵場在縣北龍興里又潘田鐵場在縣西北鐵鑛山又龍

池銀場在縣西崇信里宋熙寧三年開元豐元年閉

漳州府

衝繁疲難

原額人丁十九萬三千七百七十六
滋生人丁一萬六千三百三十一

秦以前同福州府漢為會稽南海二郡地後漢為會稽南部都尉地三國吳為建安郡晉以後為晉安義安二郡地梁始分置龍溪縣屬南安郡隋屬建安郡唐初屬泉州垂拱二年始置漳州天寶元年改漳浦郡乾元元年復曰漳州元至元十八年升漳州路明初曰漳州府

本朝因之分巡汀漳龍道駐此海防同知駐南勝通判駐石馬鎮

府境

東西距二百七十里

八到

南距二百九十里
東至泉州府同安縣界七十里
西至汀州府永定縣界二百里
南至大海一百八十里
北至泉州府安溪縣界一百十里
東南至大海一百八十里
西南至廣東饒平縣界二百八十里
東北至同安縣界一百二十里
西北至汀州府連城縣界四百里
自府治至京師七千五百二十五里

土貢

鐵 鹽 甲香 蠟 鮫魚皮 茶 海舶香藥 蕉
黃 長枝竹 水晶 燕窩 銀魚 通印子魚 糖
紫菜

管縣七

龍溪 漳浦 海澄 南靖 長泰 平和 詔安

龍溪縣

衝繁疲難郭下

有海口一鎮縣丞駐華峰巡檢駐江東

梁分晉安縣置唐開元二十九年割屬漳州乾元二年始為漳州治以縣境龍溪得名

好景山在縣東十五里李吉甫云縣東十五里至山險絕無路蓋即此

海在縣東南南接海澄西接漳浦詔安北接泉州府界

漳州故城在縣西南八十里雲霄驛縣故城在今縣南十里

吳慣鹽場王存云龍溪有吳慣沐瀆中柵三場鹽團

漳浦縣

要北至府一百二十里

有敦照雲霄古雷三鎮縣丞駐雲霄巡檢駐盤佐

漢治縣及南海郡揭陽縣地晉義熙九年分置綏安縣隋開皇十三年併入龍溪唐垂拱二年始分置漳浦縣乾元二年徙州治龍溪以漳浦為屬縣

梁山在縣南古記云梁岳閩中之望漳江在其下

綏安故城在縣西南百里

海澄縣 難西北至府五十里 有海門一鎮巡檢駐

明嘉靖四十四年割龍溪漳浦二縣地置

南靖縣 繁疲東至府四十里 有和溪一鎮巡檢二駐和溪及永豐

元至治中分龍溪置南勝縣至正十六年改今名

新河在縣北明隆慶六年知縣曾球濬長三里許引大溪水溉

田萬頃

縣故城有二皆在縣西南平和縣界梁蘭水故縣在縣界

長泰縣 簡西南至府四十里

五代南唐保大十三年分南安縣置宋太平興國五年改屬漳

州

丙方山在縣東北八十里下有銀鑛明萬厯中曾開尋封閉

平和縣 繁疲東北至府二百五里 有蘆溪一鎮巡檢駐漳

明正德十四年析南靖漳浦二縣地置

大峯山在縣東南自麓至巔可五十餘里商舶渡海每以此山

為表漳江源出于此東流至漳浦縣又東南入海

詔安縣 衝難東北至府二百五十里 有金石一鎮巡檢駐漳潮分界

唐垂拱二年析綏安置懷恩縣開元二十九年省入漳浦明嘉

靖九年始析置詔安縣

南澳山在縣西南百餘里接饒平縣界砥柱海中周二百餘里

又金溪山六洞山並在縣西北二山連接舊有銀坑

懷恩故縣在縣界

延平府 衝繁

原額軍民人丁共二十二萬三千七百二十八
又滋生人丁共三千八百五十八

漢以前同興化府建安初分置南平縣三國吳屬建安郡晉改
曰延平宋省唐初置延平軍五代晉開運初閩始置鐔州南唐
改置劍州宋曰南劍州元至元十五年升為南劍路後改曰延
平路明洪武初改曰延平府

本朝因之分巡延建邵道駐此通判駐上洋口

府境 東西距二百七十五里
南北距三百里

八到 東至建甯府建安縣界五十里
西至汀州府清流縣界二百二十五里
南至福州府古田縣界一百二十里
北至邵武府邵武縣界一百八十里
東南至古田縣界二百二十里
西南至永春州德化縣界三百九十里
東北至建甯府甌甯縣界一百三十里
西北至汀州府歸化縣界二百六十里
自州治至京師五千二百九十三里

土貢 銅 鐵 茶 白紵布 紙 石 金橘 茴香 折

管縣六

南平 順昌 將樂 沙 尤溪 永安

南平縣 衝繁難郭下 有東津一鎮縣丞駐峽陽巡檢駐嶺

漢治縣後漢末分置南平縣晉改曰延平宋泰始四年省唐武
德三年置延平軍後改為永平鎮五代時閩王延政以鎮置龍
津縣為鐔州治南唐保大四年州廢復置延平軍六年改置劍
浦縣元復改曰南平

含源山一名演仙山在縣東北演仙水出此當城北為大河下
穿暗竇入城流出建溪

建溪在縣東自建甯府建安縣流入又東南入福州府界即閩
江上游也

延平故城在縣西南延平鄉

順昌縣 衝難東少南至府一百二十里

有仁壽鎮縣丞分駐

五代南唐析將樂縣地置

將樂縣 疲東至府二百二十里

有由連馬驛巡檢駐萬安寨

三國吳分建安縣置隋省唐武德中析邵武復置七年省垂拱

四年又析邵武及故綏城縣地置元和三年省五年復置

將樂溪在縣西南八十里東北流合大溪至南平縣入三溪又

南入海李吉甫云源出百丈嶺

銀場在縣境及沙尤溪三縣王存云南平有大演石城二銀場

將樂有安福石隅二銀場沙縣有龍泉銀場尤溪有寶應安仁

漆坑龍門新豐小安仁杜唐梅營龍蓬九銀場

沙縣 繁難東北至府一百二十里 有北鄉一寨巡檢駐

晉分延平置沙邨縣隋開皇中廢唐武德四年復置曰沙縣後

省入建安永徽六年復置開元中割屬汀州五代南唐保大六

年割屬劍州宋屬南劍州元屬延平路

沙溪在縣南李吉甫云經縣郭東北流入建安溪

縣故城在縣東十里對古銅場

尤溪縣 繁難北至府一百六十里 有巡檢駐高才坂

唐開元二十五年析沙邨縣置

尤溪在縣南東北至南平縣入建溪李吉甫云尤溪縣東水路

沿流至侯官縣西水路沂流至龍巖縣又流溪巖在縣西南百

二十里厓石皆鐵鑛鑿之可冶

縣故城在縣東

永安縣 繁難東北至府三百里 有巡檢駐安砂

明景泰三年析沙尤溪二縣地置

鐵鑪在縣東南又縣東百里有鐵山嶺產鐵鑪

建甯府 衝繁

原額軍民人丁共二十五萬一千八百九十
又滋生人丁一萬四千二百四十四

漢以前同興化府建安八年為南部都尉治三國吳永安三年
始分置建安郡隋平陳郡廢唐武德初始復置建州天寶初曰
建安郡乾元初復曰建州五代時屬王閩置鎮武軍節度石晉
天福八年王延政據州稱殷國開運三年屬于南唐改永安軍
尋又改忠義軍宋仍曰建州建安郡端拱元年升為建甯軍節
度紹興三十二年升為建甯府元至元二十六年升建甯路明
洪武元年仍為建甯府

府境

東西距四百九十五里
南北距四百三十里

八到

東至福甯府福安縣界三百四十里
西至邵武府邵武縣界一百五十五里
南至延平府南平縣界八十里
北至浙江江山縣界三百五十里
東南至福州府古田縣界二百五十里
西南至延平府順昌縣界一百五十里
東北至浙江龍泉縣界二百二十五里
西北至江西鉛山縣界三百四十五里
自府治至京師五千七百五十五里

土貢

銀 銅 鐵 綿絹 練布 茶 偃鼠皮 紙被
兔毫 錢

管縣七

建安 甌甯 建陽 崇安 浦城 松溪 政和

建安縣 衝疲郭下 有太平水驛籌嶺一鎮巡檢駐房村街

後漢建安初分東侯官縣置屬會稽南部都尉三國吳置建安
郡縣屬焉

茶山在縣東晉天福三年王延政據建州福州兵來攻延政敗

之於茶山又名鳳皇山宋紹興二年韓世忠大破賊帥范汝為于鳳皇山即此

南部都尉故城在縣東南三里樂史云一名故府城即漢會稽都尉理所也東甌古城在縣東南南才里漢吳世子劉駒發兵圍東甌即此

龍焙監在縣南秦溪里宋開寶八年以州地出銀鑛置場收銅銀太平興國三年升為龍焙監凡管七場按樂史云監在縣南一百五十里今考縣南八十里即屬延平府南平縣界若百五十里則又在尤溪縣界矣宋時建安縣治視今不出數里安得相懸若此樂史誤也

甌甯縣

衝繁郭下

有葉坊驛水吉一鎮縣丞分駐嵐下巡檢駐營頭角

宋治平三年分建安建陽吳興三縣地置熙甯三年省元祐四

年復置

建安故城在縣南覆船山下樂史云漢立郡在覆船山下宋元嘉元年徙于溪北黃花山西陳時又移覆船山貞明元年又移今所

建陽縣

衝繁西至府一百二十里

有麻沙一鎮縣丞分駐麻沙巡檢駐南棧

後漢建安十年吳分治縣置建平縣晉太元四年改曰建陽隋開皇十年省入建安唐武德四年復置八年省垂拱四年復置宋景定元年改曰嘉禾元復曰建陽

建陽溪源出崇安縣西北東南流逕縣東又東南逕甌甯縣界合于南浦溪溪即建陽溪之上源也

閩王城在縣北三十里相傳王審知所築其中殿基猶存

銀場王存云建陽有黃柏洋武仙大同山瞿嶺四銀場浦城縣

有通德潘家山余桑三銀場余生蕉溪芹竹三銀坑又圖經建陽有虎鼻窠銀坑在縣西北嘉禾里與崇安邵武各山連界又東山在縣東十里舊產銀鑛

崇安縣 衝繁東南至府二百四十里

有興田驛黃亭一鎮縣丞分駐星村巡檢駐五夫村

南唐分建安縣地置崇安場宋淳化五年升為縣

武夷山在縣南三十里史記封禪書漢武帝祠武夷君用乾魚顧野王云昔有神人武夷君居此故名漢武嘗祀之又名漢祀山

浦城縣 衝繁西南至府二百七十里

有臨江盆亭二鎮巡檢三駐盆亭及溪源高泉

後漢建安初分侯官置漢興縣三國吳永安三年改曰吳興隋

開皇九年省入建安唐武德四年復置改曰唐興天授二年改

曰武甯神龍元年復曰唐興天寶元年始改浦城

漁梁山在縣西北五十里宋置漁梁驛于此建炎三年韓世忠追討苗傅二賊自衢信進至漁梁驛梨嶺在縣西北八十里與弋陽縣分界宋楊億云天下之水皆東梨嶺之水獨北今水流入廣信溪

漢陽城在縣北漢元封元年兵入東越故粵衍侯吳陽以其邑七百人反攻越軍于漢陽即此

松溪縣 簡西至府一百六十里

有東關一鎮縣丞分駐永和里巡檢駐二十四都

五代南唐保大中析建安縣地置以縣東北松溪得名

湛盧山在縣南沈約云閩中有山名湛疑山下有冶鑪漢置冶縣以此為名

瑞應場在縣東南東山下宋隆興間置設官采銀明洪武初亦嘗開採永樂後封閉又杉溪場在縣西杉溪里亦出銀鑛

政和縣簡西至府一百四十里有關隸赤巖二鎮巡檢駐下莊本建安縣地宋初為關隸鎮咸平三年升為縣政和五年改曰政和

關隸廢縣在縣東南七十里

東平場在縣西北東平里又王存云縣有天授銀場圖經又有谷洋場在縣東南洞官山

曾孫用勲校刊

乾隆府廳州縣圖志卷四十

賜進士及第翰林院編修充 國史館纂修官 臣 洪亮吉撰

福建布政使司

邵武府 衝疲

原額人丁一十一萬九千五百七十七 滋生人丁四千二百八十二

漢以前與建甯府同三國吳始分置昭武縣屬建安郡晉改邵武隋屬臨川郡唐屬建州五代屬王閩宋太平興國五年始於縣置邵武軍元至元十三年升邵武路明曰邵武府

府境 東西距二百六十里 南北距一百八十里

八到 東至延平府順昌縣界一百二十里 西至延平府新城縣界一百四十里 南至延平府將樂縣界一百四十里 北至建甯府建陽縣界七十里 東南至汀州府甯化縣界三百四十里 西南至汀州府甯化縣界三百四十里

東至延平府順昌縣界一百二十里 西至延平府新城縣界一百四十里 南至延平府將樂縣界一百四十里 北至建甯府建陽縣界七十里 東南至汀州府甯化縣界三百四十里 西南至汀州府甯化縣界三百四十里

東北至建陽縣界六十里
西北至新城縣界一百六十里
自府治至京師五千七百五十七里

土貢

紵布 葛布 鐵絲 藥 黃蠟竹

管縣四

邵武 光澤 建甯 泰甯

邵武縣

衝疲郭下

有水口一鎮縣丞分駐永坪巡檢二駐水口及峯口

三國吳置昭武縣晉太康三年改曰邵武太甯元年又改曰邵陽劉宋永初元年復曰邵武齊因之尋廢隋開皇十二年復置五代晉天福初王閻復改曰昭武漢初復故飛猿嶺在縣西南百里潮魚山側又縣東南百六十里有寶山嘗產鐵鑛邵武溪源出光澤縣東南流逕縣城北會諸溪水其流益大俗

名大溪

縣故城在今縣治西

烏坂城在縣東三里建安記云昔越王築六城以拒漢此其一也

金銀場王存云邵武有黃土鄒溪寺城三銀場龍須一銅場寶積萬德二鐵場建甯有青女蕉坑龍門三銀場泰甯有琮際金場江源銀場圖說泰甯縣有七寶峯產金銀銅錫朱石黃連甘艸故名

光澤縣

衝難東南至府八十里

有清化一鎮巡檢駐大寺寨

宋太平興國六年分邵武縣置

杉嶺在縣西北七十里有杉關與新城縣接境為福建江西分界處

建甯縣

疲難東北至府二百十里

原隸州屬州縣圖志卷四

東晉析邵武置綏城縣宋齊後省入邵武唐武德四年復置貞觀三年省宋建隆二年南唐始分置建甯縣屬建州太平興國五年改屬邵武軍

綏城廢縣在縣西南三里

泰甯縣 簡東北至府一百四十里

五代周顯德五年南唐分劍州將樂縣地置歸化縣宋太平興國五年改屬邵武軍元祐元年改曰泰甯

汀州府

衝繁難

原額軍民人丁共一十九萬八千三百三十六又滋生人丁一萬七百五十六

三國以前與建甯府同晉為晉安郡新羅縣地宋以後為晉安郡地唐開元二十四年始開置汀州天寶元年改臨汀郡乾元

元年復曰汀州五代屬王閩尋屬南唐元至元十五年升汀州

路明曰汀州府

府境

東	西	南	北	東	西	南	北
至延平府永安縣界二百四十里	至江西廣昌縣界一百七十里	至廣東大埔縣界二百一十里	至江西西瑞金縣界六十里	至延平府永安縣界二百四十里	至江西廣昌縣界一百七十里	至廣東大埔縣界二百一十里	至江西西瑞金縣界六十里
至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里
至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里
至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里
至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里
至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里
至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里
至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里
至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里	至南平府南平縣界一百四十里

土貢

金 銀 銅 鐵 錫 蠟 麝鼠皮 茶 龜甲

管縣八

長汀 寧化 清流 歸化 連城 上杭 武平 永定

長汀縣

衝繁郭下

有古城一寨巡檢駐

唐開元二十四年開置大曆十四年移汀州來治

白石溪一名鄞江即汀水也在縣東源出寧化縣界南逕上杭至廣東潮州府入海

縣故城在今縣南李吉甫云開元二十一年福州長史唐循忠于潮州北廣州東福州西光龍洞檢責得諸州避役百姓共三千餘戶奏置汀州因長汀谿以為名樂史云大曆中縣移在白石鄉地名金沙水新羅故城在縣西南
銀場在縣及寧化二縣樂史云長汀有黃焙安豐二場俱出銀銅王存云長汀有上寶一銀場歸禾拔口二銀務寧化有龍門新舊二銀場長永七庇二銀坑又云長汀有莒溪鐵務按今屬連城縣

寧化縣

繁疲難西南至府一百六十里

有黃連一鎮安遠

一寨縣丞分駐泉上甲巡檢二駐安遠及石牛

唐初為沙縣地開元二十二年開置黃連縣天寶元年改今名黃連故城在縣東五里今名黃連鎮

清流縣

簡西南至府二百里

有鐵石一鎮巡檢駐

宋元符四年析寧化長汀二縣地置紹定中廢元復置

歸化縣

簡西南至府二百九十里

有明溪夏陽二鎮巡檢駐夏陽

明成化六年析清流縣置

連城縣

簡西北至府一百六十里

有北園一寨巡檢駐

晉新羅縣地唐置蓮城堡于此宋紹興三年析置蓮城縣元至正六年始改曰連城

王城在縣西南七十里宋末文天祥奉帝昺起義駐兵于此故

名

上杭縣

衝繁北至府一百八十里

有峯市一鎮縣丞分駐

宋淳化五年分龍巖縣置

金山在縣北少西三十里宋康定間嘗產金故名鐵嶂山在縣東南產礦

故縣在今縣東金豐鄉宋乾道三年移今治

鍾寮場在縣西北二十里王存云縣有鍾寮一金場又永興場在縣東五十里通利場在縣南六十里及金山利濟龍山石門語口凡七場皆宋時產金及銅鐵處

武平縣

簡東北至府一百五十里

有象洞永平二寨巡檢分駐

唐于新羅縣地置武平場宋淳化五年升為縣

永定縣

繁難西北至府三百里

有興化一鎮巡檢三驛興化及三層嶺太平村

明成化十四年分上杭縣置

錦豐場在縣西南五十里又有端利嘉興興濟浮流四場皆宋時採金及銅鐵處並在縣界

福甯府

衝

原額軍民人丁共三萬一千二百四十九滋生人丁共四千一百九十九

漢以前與福州府同晉太康四年分置溫麻縣屬晉安郡宋齊後廢為閩縣地唐武德六年復置尋併入連江長安二年又分置溫麻縣屬福州天寶元年改曰長溪元至元二十三年以縣置福甯州明洪武二年州廢為縣成化九年復升為州

本朝雍正十二年升為福甯府

府境

東西距三百六十里南北距二百七十里

入到

東至海二百里西至福州府古田縣界一百六十里

南至海一百里
北至浙江泰順縣界一百七十里
東南至海一百里
西南至福州府羅源縣界一百六十里
東北至浙江平陽縣界二百里
西北至浙江慶元縣界二百九十里
自府治至京師七千二百里

土貢 鐵 鹽 茶 蘭靛 穀紙

管縣五

霞浦 福鼎 福安 寧德 壽甯

霞浦縣 衝繁郭下 有巡檢二駐柘洋及杯溪

晉溫麻縣地唐為長溪縣地元至元二十三年升縣為福甯州
明初復為縣成化中復為州

本朝雍正十二年升州為府置霞浦縣為府治
大姥山在縣東北百里

海在縣南百里寧德縣東南二十里

長溪在縣西五十里自浙江泰順縣流入又南至白馬門入海
長溪故縣在縣南三十里

鹽場王存云長溪有一鹽場又縣東擢秀里望海里東南安民
里皆有鹽埕又有鹽田在縣西溫麻里

福鼎縣 衝繁西南至府一百五十里 有莆門一鎮巡檢二
駐激城及糜嶼

乾隆十三年分霞浦縣置以縣治福鼎山得名

銀場王存云長溪有玉林一銀場又分水嶺旁有黃海黃社二
銀坑按今並在縣境

福安縣 疲難東南至府一百十里 有黃崎白石二鎮巡檢
駐白石

宋淳祐四年析長溪縣置屬福州元至元二十三年改屬福甯
州

東山在縣東北七十里下有銀坑又縣有劉洋上坪二銀坑皆久廢

寧德縣 疲難東北至府一百十里

有關隸麻嶺長崎三鎮縣丞分駐周敦巡檢二駐霍童山及石堂

唐開成中析長溪古田置感德場五代閩置寧德縣屬長樂府宋屬福州元改屬福寧州

霍童山在縣北七十里本名霍桐天寶六載勅改名山記山高三千四百丈周三百里王閩時嘗封為東岳

官井洋在縣東北三十里合福安霞浦諸水瀦為大洋入海東洋行縣在縣北一百六十里明嘉靖十四年倭陷城東洋之民乘亂肆掠知縣林時芳申建行縣于此後罷寶豐銀場在縣西北二百二十里又有黃柏銀場及新興桉嶺

坑龍三銅坑陽護山鐵坑皆在縣境

壽寧縣

簡東南至府一百六十里

有巡檢駐漁溪

明景泰六年分政和福安二縣地置屬建寧府本朝雍正十二年改屬

官臺山在縣東北八十里下有銀坑又縣東南五十里馬鞍山及羅家佛際等山並有銀坑鉛冶

臺灣府

衝繁難

原額人丁一萬八千八百二十七
滋生人丁九百九十五

自古荒服之地不通中國名曰東番明天啟中為紅毛荷蘭夷人所據屬于日本

本朝順治六年鄭成功逐荷蘭夷據之偽置承天府名曰東都設二縣曰天興萬年其子鄭錦改東都曰東甯省升二縣為州

康熙二十二年討平之改置臺灣府屬福建布政使司分巡臺

灣道兼理學政駐此淡水同知駐竹塹通判駐澎湖

府境

四面皆海東西距除澎湖及水程四更外

八到

東至大山番界五十里

西至澎湖島五十里

南至沙馬磯頭海五百三十里

北至雞籠城海二千三百十五里

土貢

鹽 糖 餉子 飯魚 鹿茸 三友花 檳榔 檳榔

管縣四

臺灣 鳳山 嘉義 彰化

臺灣縣

衝繁難郭下

有縣丞分駐羅漢門

本東番地鄭氏偽置天興萬年二州

本朝康熙二十三年廢二州置臺灣縣為府治

木岡山在縣治東北府境東偏負山西面臨海其山蜿蜒不斷
統名為大山亦統呼為木岡山

澎湖島在縣西大海中西與泉州金門相望圖經島有東吉西
吉等三十六嶼渡海者必由二吉以入

海環府境皆是舟人渡洋不辨里程一日夜以十更為率自雞
籠淡水舟行至福州港口五更自臺灣港至澎湖四更自澎湖

至泉州金門所七更東北至日本國七十二更南至呂宋國六
十更東南至大港二十二更西南至南澳七更皆就順風而言

海居極東月常早上故潮水長退視同廈亦較早焉海多颶風
最甚為颶土蕃有識颶艸艸生無節則周歲無風一節則颶一

次多亦如之無不驗

臺灣廢城在縣西南明崇禎八年荷蘭夷築方員一里右甌鹿

耳左面海洋並設市城外以通漳泉商賈後鄭成功居此更名安平鎮又天興廢州在縣東北四十里新港萬年廢州在縣東南二十里二贊行

鹿耳門在縣西三十里形如鹿耳故名兩岸皆築砲臺水流峽中委曲回旋而入中有海翁岬多浮沙水淺風急則深淺頓易最為險要門內水勢寬濶可泊千艘即大圓港也

鳳山縣 繁難北至府八十里 有縣丞分駐阿里港巡檢駐下淡水

鄭氏屬萬年州

本朝康熙二十三年分置以縣東南鳳山得名

赤山在縣南上有湯池甚溫由此而南悉屬番社

淡水溪在縣東南源出東北大山西南流有冷水溪自北來注之又南流逕縣東南赤山溪自東來注之合而西南入海

嘉義縣 繁難南至府一百一十七里 有縣丞分駐笨港巡檢二社六門及佳里

鄭氏屬天興州

本朝康熙二十三年分置諸羅縣乾隆五十二年臺賊林爽文

攻縣城城內居民四萬助提督城守因

勅改諸羅為嘉義以旌之

虎尾溪在縣北彰化縣南二縣以溪為界

彰化縣 繁難南至府三百九十七里 有巡檢四駐苗霧竹塹新莊鹿仔

雍正元年分諸羅縣北半綫地置

大雞籠山在縣北海中雞籠城之南下有港甚寬廣可容巨舟

數十紅毛營築城于此凡往來日本洋船皆以此山為表山朝

山在縣東北雙峰遙峙高不可極山南為生番三十六社居蛤

仔灘地又有生番十社在黑沙晃山崇爻山二山間皆人跡所

不到

永春州

繁難

軍民人丁一萬五千二百四十九

唐以前同泉州府五代王閩分南安置永春縣屬泉州

本朝雍正十二年升縣為永春州直隸布政使司

州境

東西距三百八十里

八到

東至興化府仙遊縣界八十里
南至龍巖州漳平縣界三百里
西至泉州府南安縣界四十五里
北至福州府永福縣界一百八十里
東南至泉州府安溪縣界三十里
西南至泉州府永福縣界一百九十五里
東北至延平府永安縣界四十五里
西北至延平府永安縣界四十五里
自州治至京師七千一百四十五里

土貢

鐵 鉛 苧布 蕉布 葛布 白磁器 龍眼 杞 黃連 棧

管縣二

德化 大田

德化縣 簡南少東至州三十里

五代王閩析尤溪縣地置屬福州改屬泉州

本朝雍正十二年移屬

南埕城在縣東北五十里東連永福北接尤溪東南通仙遊有

南埕洞

本朝順治初林忠臨溪築城以連上下二山置隘守之又于絕

頂造天平城忠受撫後毀天平城而南埕如故為縣險要第一

大田縣 簡東南至州二百六十五里 有巡檢二駐桃源及花橋

明嘉靖十四年析尤溪永安及德化縣地置屬延平府

本朝雍正十二年移屬

銀瓶山在縣東三十里兼產銀鐵舊于此辦銀課亦置銀冶鼓鑄明景泰後罷銀冶惟鐵尙存王存云尤溪有安仁龍蓬等銀場今龍蓬在縣東北一百三十里安仁卽舊安仁司也又云永春縣有鐵場在今州西北鐵礦山下

龍巖州 繁難

軍民人丁一萬六千八百六

唐以前同汀州府開元二十四年置新羅縣屬汀州天寶二年改曰龍巖縣大曆十二年改屬漳州本朝雍正十二年升爲直隸州

州境

東西距二百六十里
南北距二百九十里
東至泉州府安溪縣界二百十里
西至汀州府上杭縣界五十里
南至漳州府南靖縣界九十里
北至延平府永安縣界二百里

八到

東南至漳州府龍溪縣界二百二里
西南至汀州府永定縣治一百六十里
東北至永春州界二百里
西北至汀州府連城縣界一百里
自州治至京師七千三百四十里

土貢

苧布 葛布 鉛 鐵 石筍 石竹 香茅

管縣三

漳平 甯洋

東寶山在州東五里三峯並列東寶居其右山麓舊產銀砂王存云龍巖有天濟寶興二銀場今按寶興鉛錫場在州南又鉛山在漳平縣東舊產鉛

漳平縣 難西至州七十里 有歸化一鎮

明成化七年分龍巖縣置

甯洋縣 簡西南至州七十里

明隆慶元年分龍巖及永安大田二縣地置

香寮山在縣南五十里上有紫雲洞可容數萬人明正統中鄧茂七據此為亂官兵討平之

曾孫用懃被刊

